

Pont an Intanvez.

(453, suite)

Var an ton Gallec.

Demeus ar vam an denerra,
Selaouit ar maleuriou;
Bugale vad, deut da vouela,
Var he bez scuillit daëlon. (454)
Ha c'houi, mamou carantezus,
Soignus eus ho fugale,
Selaouit ur vezz tuezus,
Ha gouelit druz ganeme.

Ebarz rouantelez Valanç
Ur Intanvez doa ur Mab;
Carantez, vertuz, esperanç,
En rente douç hac è-mab:
Hi, coant, yaouanç ha pinvidic,
A refus peur-demezi:
Bigen, nemet va buquelic,
Na garin sur, emezi.

Eur gouel caer a voa en Valanç,
En fini en em rente
Lalz a Brincet hag à Noblanç
A bep bro, a bep contre.
Emañ doa ur marc'h ar c'haera
A voe bet biscoas quelet, (455)
Hac a verve d'en em renta
Erit beza remerqet.

Gant e vam quèz e c'houlenmas
Qerqent he fermision;
Hi, gant chagrin, er permetas,
Mes mantret bras he c'halon.

Hac hi, en he daëlon beuzet,
O laret: Va Mabiq qer,
Abars tri deiz, vin decedet,
Ma na vezz èru er quèr.

Partial prontamant a ras;
E varc'h o verza spontet,
Qerqent ebarz ur rivier vras
En deveus-àn bet stringet.
Caer a voe essat e zicour,
Erit dont d'er zovetat,
Qer buan e zè gant an dour,
Ma rancjet dont d'e quitat. (456)

Ah! faour-qèz buquel maleurus,
Trista maro ac'heus-te!
Homàn vo ur c'helou euzus,
Pa rancjet anonsi se!
O Mam basour! Mam a garante!
C'houi eo dreist ol a glèman:
Lagit ho fizianç en Doue,
Ho croas hoc'h eus digantan.

O pedi voa vit he buquel
Pa èruas en he zi
Quel drist bras ur bèleg santel,
Hac a lavaras dezji:
Salud, va merc'h en Jesus-Christ,
O mam basour! mam a drue!
Ne anonç dec'h ur c'helou trist:
Ho mab so dirac Doue.

(457) Quelit resinanz Abraham,
 Prest e vab da sacrificia
 Doue, 'mei, bigen da ur vam
 Na ordrenje ur seurt tra
 Gant an neryz demeus he glac'har,
 He daoulagad clôs secret,
 Ractal e coe var an douar.
 Un drue vom he quelet.

Hep leusqel un huanaden
 Anfin e zeo bet savet,
 Goude beza grêt he feden
 Erit he mab qer caret.
 Hac hi beuzet en he daëlou,
 O crial: Tad Eternel!
 O va Zalver! pebes qêlou!
 Ne meus mui-ta a vuguel!!!

(458) Neuz e 'tistio ous ar person,
 Hac e lavaraz dezan:
 Fatica a ra va c'halon;
 Ne meus mui pel da vevân.
 Esper ameus, hep dale pel,
 Da vont da dal ar rivier
 Elec'h m'eo beuzet va buquel:
 C'houi 'm c'hunduo, va zad qer.

Birvigen amân na chomin;
 He rang dilezjel va zi:
 Gement so a rang breman din;
 Ben zantel, va c'hassit dy....

Eno, ar rest eus va bue,
 E carin ar quir repos,
 Da c'hortos mont dirac Doue,
 Tost d'am mab, er barados.

Laqit va ol fortun antier
 Da laqat eno sevel
 Ur pont solid var ar rivier
 Ma zeo beuzet va Buquel,
 (459) Ma allo, calz mui exurus,
 Lavarat, peb Mam dener:
 "Graç d'an Intanvez maleurus,
 "Amay n'eus mui a zanjer."

Qerqent ha ma vin decedet,
 Va entêrit er plaç-se,
 Se eo va diveza souhet,
 Ha skrivit var va men-be:
 "Ebars er plaç-mân horerus.
 "Emedi va religou;
 "Mes, va ene, mui exurus,
 "Zo gant va Mab en ênvou."

N'e devoa qet peur-êchuet,
 Ma coe maro var ar plaç,
 Ha prest goude voe entêret
 En andret eus he disgraç.
 Ar pont-mân, tost da quier Valanç,
 Zo gant an ol admiret;
 (460) En trouji a rêr en silanç,
 Mes gant ur galon mantret.

A. Lédan.

Remery. — Ar sujet eus ar verz-mây a zo ur dra reel, êruet en rouantelez Valanç, er
 Spagn. Var hed tri. c'hard léo a S. Philip, var hent Valanç da Alicant, e tremener Ront
 an Intanvez, hac ol dud ar vro a voar ar maleur so bet pen-cos ma zeo batisset. — Ar
 verz-mân a so ur imitation febl eus a hini gallec an immortal Florian.

(Vol. II, p. 453-460.)
 14 str. numérotées.